



# PanSALB

PAN SOUTH AFRICAN LANGUAGE BOARD

## **TSEBISO MABAPI LE NEHELANO YA MABITSO A BATHO BAO E KA BANG BATHONNGWA HO BA DITHO TSA KOMITI TSA PUO TSA PanSALB DIPROVENSING TSE ROBONG E LENG; KOMITI YA EASTERN CAPE, YA FREISTATA, YA KWAZULU-NATAL, YA MPUMALANGA, YA NORTHERN CAPE, YA NORTH WEST, YA GAUTENG, YA WESTERN CAPE LE YA LIMPOPO HO YA KA MOLAO WA PanSALB WA 59 WA 1995, KARALO 8 (8) (a).**

Lekgotla la dipuo tsohle tsa Afrika Borwa (PanSALB) le kopa setjhaba ho thonya batho bao e ka bang baemedi ba dipuo Dikomiting tsa Dipuo tsa Diprovensi ho latela Karolo ya 8 (8) (a) ya Lekgotla la dipuo tsohle tsa Afrika Borwa ya Molao wa 59 wa 1995, ka morao ho dipuisano tse bileng teng le Ditho tsa Lekgotla la Phethahatso tsa Diprovensi tsohle tse ikarabellang ditabeng tsohle tse amang dipuo.

Komiti ya Puo ka nngwe e tla ba le ditho tse sa feteng leshome le metso e meraro (13) ho ya ka dipehelo tse latelang:

1. Bathonngwa ba tlameha ho ba basebedisi kapa dibui tsa puo ya letswele eo e leng ditho tsa komiti ho yona provensing ka nngwe, e be baahi ba Afrika Borwa ba dulang diprovensing tseo ba thontsweng ho ba ditho tsa komiti ho tsona.
2. Ba be le tsebo e batsi ya dipuo tsohle tsa semmuso tsa Afrika Borwa tse buuwang provensing eo, ho kenyeletswa le dipuo tsena:
  - 2.1 tsa Khoi le San
  - 2.2 Puo ya Matsoho ya Afrika Borwa le
  - 2.3 Dipuo tsa Bojalefa/Botjhaba
3. Bathonngwa e tlameha e be batho ba nang le thahasello ditabeng tsa puo mme ba kenye letsoho ntshetsopeleng ya puo ka ho eletsa dintlheng tse latelang:
  - 3.1 Phetolelo le botoloki ba ditaba tsa dipuo tsa diprovensi tseo ba leng ho tsona ho kenyelletsa kaho, pokello le tlhokomelo ya didathabeise,
  - 3.2 Ditherisano ka boemo ba puo le phethahatso ya melao ya puo.
  - 3.3 Ntshetsopele ya leksikhogرافي le mareo a puo,
  - 3.4 Ho etsa diphuputso dintlheng tse amang puo le
  - 3.5 Ho laola dintlha tsa Ditokelo tsa Botho tsa Puo diprovensing tsa bona (tsebo ya tsa molao e tla ba molemo haholo)
4. Ditokomane tse hlokwang ho tswa ho bathonngwa ke tse latelang:
  - 4.1 Khopi e netefaditsweng ya tokomane ya boitsebiso ya Afrika Borwa (ID);
  - 4.2 Dikhopi tse netefaditsweng tsa mangolo a thuto a lokelang a dipuo le diphuputso tsa dipuo le
  - 4.3 Tokomane ya boipolelo e kgutsufaditsweng (CV)

**Diforomo tsa ho thonya** di fumaneha diofising tsohle tsa diprovensi tsa PanSALB le ntlokgolo e Pretoria. (diforomo di a fumaneha websaeteng ya PanSALB bakeng sa ho printa kapa ho e tlatsetsa hona moo). Diforomo tse tlatsetsweng di tla romelwa ho:

The CEO of PanSALB; Dr RRM Monareng  
Bakeng sa: The Head of the PLCs; N. Ndabezitha  
Private Bag X08  
Arcadia  
0003